

**“O‘zbekiston” teleradiokanali” davlat muassasasi va “O‘zbektelefilm” davlat muassasasi ўrtasida телемахсулот ишлаб чиқариш бўйича ўзаро хизматлар кўрсатиш тўғрисида**

**6-сон ШАРТНОМА**

Тошкент шаҳри

«17» 01 2022 йил

“O‘zbekiston” teleradiokanali” davlat muassasasi, Ustavga asosan ish olib boruvchi, keyingi ўринларда Буюртмачи деб номланади, муассаса директори А. Халимов шахсида, бир томондан ва “O‘zbektelefilm” davlat muassasasi, Ustavga asosan ish olib boruvchi, keyingi ўринларда Ижрочи деб номланади, муассаса директори ўринбосари – бош муҳаррири Н. Эшонкулов шахсида, иккинчи томондан, биргаликда Тарафлар, алоҳида эса - Тараф деб юритилувчилар, ушбу шартномани қуйидагилар ҳақида туздилар:

**I. Шартнома предмети**

1.1. Ушбу шартномага кўра, Ижрочи Буюртмачининг буюртмасига асосан «Малак» (2-фасл) номли 100% табиий шароитда ишлаб чиқарилиши кўзда тутилган, 30 дақиқали 60 қисмдан иборат телесериал (кейинги ўринларда телемахсулот деб юритилади) тайёрлаб беришни Ўзбекистон миллий телерадиокомпаниясининг 2021 йил 30 мартдаги 102-сон ва 2021 йил 25 февралдаги 60-сон буйруғига биноан хизматлар кўрсатиш мажбуриятини олади.

1.2. Буюртмачи эса, Ижрочи томонидан тайёрланган телемахсулотни қабул қилиб олиш ва ҳақини Ижрочига тўлаш мажбуриятини олади.

1.3. Ўзбекистон миллий телерадиокомпаниясининг 2021 йил 30 мартдаги 102-сон, 2021 йил 25 февралдаги 60-сон буйруғига асосан иш юритилади.

1.4. Тарафлар мазкур шартнома ва телемахсулот сметасида кўрсатилган хизматларнинг аниқ турлари, уларнинг миқдори ва хизмат кўрсатиш муддатлари доирасида ўз мажбуриятларини амалга оширади.

**II. Шартнома баҳоси ва ҳисоб-китоб қилиш тартиби**

2.1. Шартноманинг умумий суммаси ҚҚС билан 1 030 138 969 (бир миллиард ўттиз миллион бир юз ўттиз саккиз минг тўққиз юз олтмиш тўққиз) сўмни ташкил этади.

Телемахсулотни ишлаб чиқариш бўйича жами харажатлар ҚҚС билан 1 628 493 704 (бир миллиард олти юз йигирма саккиз миллион тўрт юз тўқсон уч минг етти юз тўрт) сўни ташкил қилади. Буюртмачи томонидан, шу сумманинг ҚҚС билан 598 354 735 (беш юз тўқсон саккиз миллион уч юз эллик тўрт минг етти юз ўттиз беш) сўм миқдори 2021 йилда бажарилган ишлар бўйича тўланган. Қолдиқ сумма ҚҚС билан 1 030 138 969 (бир миллиард ўттиз миллион бир юз ўттиз саккиз минг тўққиз юз олтмиш тўққиз) сўмни ташкил этиб, ушбу шартнома билан 2022 йилга ўтди.

Бунда Ижрочи ва Буюртмачи ўртасида ҳақиқатда бажарилган ишлар юзасидан тузиладиган телемахсулот калькуляцияси шартнома суммасининг ўзгаришига (кўпайиши ёки камайиши) асос бўлади ва ишлаб чиқариш зарурати билан мазкур сметага ўзгартириш ва қўшимчалар киритилиши мумкин ва мазкур ҳолда тегишли мурожаатга кўра Ўзбекистон МТРК буйруғи чиқарилади (телемахсулотнинг Ўзбекистон миллий телерадиокомпаниясининг 2021 йил 30 мартдаги 102-сон буйруғига асосан тасдиқланган сметаси мазкур шартномага илова қилинади).

Телемахсулотни ишлаб чиқариш даври кейинги молия йилига ўтадиган ҳолларда, шартноманинг умумий суммаси тугаётган молия йилида ҳақиқатда бажарилган ишлар бўйича тузилган далолатномаларда кўрсатилган суммага камайтирилади.

2.2. Буюртмачи:

- Ҳаракат режасида кўрсатилган телерадиоканалга тааллуқли тегишли телемахсулотни бажариш бўйича Ижрочига буюртма берган кундан бошлаб 10 (ўн) банк иш куни ичида ажратилган ҳар ойлик молиялаштириш маблағининг 15% миқдоридан олдиндан тўловни (тасдиқланган сметага асосан) амалга оширади;

- телемахсулот учун ажратилган маблағнинг қолган 85% қисмини, Ижрочи томонидан тақдим қилинадиган ҳар ойлик ҳисоб-фактуралари, бажарилган ишлар тўғрисидаги далолатномаси қабул қилинган кундан бошлаб 15 (ўн беш) банк иш куни ичида Ижрочининг ҳисобрақамига ўтказиб бериш орқали амалга оширади.

- телемахсулот учун ажратилган маблағнинг якуний ҳисоб-китоби Компания Ижодий кенгашининг телемахсулотни қабул қилиш тўғрисидаги баёни чиққандан кейин тўлиқ амалга оширилади.

2.3. Тарафлар ўртасидаги молиявий ҳисоб-китобларни амалга оширилиши Ўзбекистон миллий телерадиокомпанияси томонидан тасдиқланган смета асосида олиб борилади. Телемахсулотни сметаси ва уни ишлаб чиқариш муддатларига ўзгартиришлар Компания томонидан Ижрочи ва Буюртмачининг келишилган таклифларига асосан амалга оширилади.

2.4. Телемахсулотни Буюртмачининг Бадий кенгашига кўриб чиқиш учун топширишни яқунлаш муддати 2022 йил 22 апрель ҳисобланади. Бадий кенгашнинг хулосасига кўра ушбу телемахсулотга тегишли ўзгартиришлар киритилиши мумкин.

2.5. Тайёр бўлган ёки қайта ишланган телемахсулот Буюртмачининг Бадий кенгаши хулосаси асосида Компаниянинг Ижодий кенгашига топширилади.

### **III. Тарафларнинг ҳуқуқ ва мажбуриятлари**

#### **3.1. Буюртмачининг ҳуқуқлари:**

3.1.1. Ижрочидан мазкур шартнома асосида берадиган буюртмасига мувофиқ келиб чиқадиган хизматлар кўрсатилишини талаб қилиш.

3.1.2. Ижрочи томонидан кўрсатилган хизматлар, сифати бўйича стандартлар, техник шартлар, намуналарга (эталонларга), эфир талабларига, қонун ҳужжатларида ёки шартномада белгиланган бошқа мажбурий шартларга мос келмаса, кўрсатилган хизматларни қабул қилишни рад этиш.

3.1.3. Шартнома шартлари бажарилмаган ёки лозим даражада бажарилмаган тақдирда етказилган зарарни ундиришни талаб қилиш.

#### **3.2. Буюртмачининг мажбуриятлари:**

3.2.1. Эфир хусусиятидан келиб чиқиб махсулотни тайёрлаш учун ижодий гуруҳ ажратиш ва ҳамкорликда иш ташкил этиш.

3.2.2. Махсулотни тайёрлашдан аввал махсулотнинг бадий савияси, эфир хусусияти, адабий тил нормаларига амал қилиш ва яна бошқа зарур деб ҳисобланган ҳар қандай таклиф, талаб, билдиришларни ёзма равишда Ижрочига етказиш, уларнинг ижроси устидан ишлаб чиқариш жараёнида каналдан ажратилган ижодий гуруҳ орқали қатъий назорат ўрнатиш.

3.2.3. Шартнома асосида берган буюртмасига мувофиқ кўрсатилган хизматлар Бадий кенгаш кўригидан ўтказилиб, эфирга қўйилишига рухсат берилгач мазкур хизматларни Ижрочидан қабул қилиш.

3.2.4. Кўрсатилган хизматларни ҳақини мазкур шартноманинг II-бўлимида белгиланган муддатларда Ижрочига тўлаб бериш.

#### **3.3. “Ижрочи”нинг ҳуқуқлари:**

3.3.1. Кўрсатилган хизматлар учун Буюртмачидан мазкур шартномага мувофиқ олдиндан тўловни ҳамда тўлиқ ҳисоб-китоб қилишни талаб қилиш.

3.3.2. Кўрсатилган хизматларни қабул қилишдан асоссиз равишда бош тортган ҳолларда Буюртмачидан етказилган зарарни қоплаб беришни талаб қилиш.

### **3.4. Ижрочининг мажбуриятлари:**

3.4.1. Буюртмачининг берган буюртмаси ва мазкур шартнома шартларида белгиланган сифатда ва муддатларда тегишли хизматлар кўрсатиш.

3.4.2. Хизматларни кўрсатиш жараёнида буюртма, шартнома шартлари ва нормативлардан чекинишга йўл қўйган бўлса, Буюртмачининг талаби билан аниқланган барча камчиликларни ўзаро келишилган ҳолда оқилона белгиланган муддатларда бартараф этиш.

## **IV. Тарафлар жавобгарлиги**

4.1. Кўрсатилган хизматлар учун ўз вақтида ҳақ тўланмаганда (эфирга қўйилган талаб ва Ижодий кенгаш тавсияси бўйича қайта ишланадиган ҳолатлар ўз вақтида топширмаганлик деб ҳисобланмайди) Буюртмачи Ижрочига муддати кечиктирилган ҳар бир кун учун кечиктирилган тўлов суммасининг 0,4 фоизи миқдорида пеня тўлайди, бироқ бу кечиктирилган тўлов суммасининг 50 фоизидан ортиқ бўлмаслиги керак.

4.2. Хизматлар кўрсатиш кечиктирилган ёки тўлиқ кўрсатилмаган тақдирда (эфирга қўйилган талаб ва Ижодий кенгаш тавсияси бўйича қайта ишланадиган ҳолатлар кечиктирилган ёки тўлиқ кўрсатилмаган деб ҳисобланмайди) Ижрочи Буюртмачига кечиктирилган ҳар бир кун учун мажбурият бажарилмаган қисмининг 0,5 фоизи миқдорида пеня тўлайди, бироқ бунда пенянинг умумий суммаси кўрсатилмаган хизматлар қийматининг 50 фоизидан ортиқ бўлмаслиги керак.

Эфирга қўйилган талаб ва Ижодий кенгаш тавсияси бўйича қайта ишланадиган ҳолатларларда фақат қайта суратга олиш, монтаж ва овозлаштириш учун керак бўладиган техника харажатлари Буюртмачи ёки Ижрочи маблағлари ҳисобидан қопланади.

Пеня тўланиши шартнома мажбуриятларини бузган Тарафни, шартномани зарур тарзда бажаришдан ва хизматлар кўрсатиш муддати кечиктирилиши ёки тўлиқ кўрсатилмаслиги сабабли етказилган зарарларни қопланишидан озод этмайди.

4.3. Ижрочи томонидан кўрсатилган хизматлар, сифати бўйича стандартлар, техник шартлар, намуналарга (эталонларга), эфир талабларига, қонун ҳужжатларида ёки шартномада белгиланган бошқа мажбурий шартларга мос келмаса, Буюртмачига белгиланган устамалардан ташқари кўрсатилиши керак бўлган хизматларнинг 20фоизи миқдорида жарима тўлайди.

4.4. Ижрочи томонидан лозим даражада кўрсатилган хизматларни қабул қилишдан асоссиз равишда бош тортган ҳолларда, Буюртмачи Ижрочига кўрсатилган хизматларнинг 10фоизи миқдорида жарима тўлайди.

4.5. Ижрочи ишни талаб даражасида бажармагани оқибатида тайёрланган телемаҳсулот эфирга кетмаса шартноманинг 4.3-бандида кўрсатилган жавобгарликдан ташқари Ижрочи Ўзбекистон миллий телерадиокомпанияси томонидан ўрнатган тартибда қўшимча жавобгарликка тортилади.

4.6. Мазкур шартномада назарда тутилмаган Тарафларнинг жавобгарлиги Ўзбекистон Республикасининг Фуқаролик кодекси ва “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Қонуни нормалари билан белгиланади.

## **V. Форс-мажор**

5.1. Тарафларга боғлиқ бўлмаган форс-мажор ҳолатлар (сув тошқини, ёнғин, ер қимирлаши ва бошқа табиий офатлар, шунингдек тарафлар назорат қила олмайдиган бошқа ҳолатлар) содир бўлиши оқибатида шартномада кўрсатилган мажбуриятлар қисман ёки тўлиқ бажарилмаса, тарафлар жавобгарликдан озод этилади. Форс-мажор ҳолатлар Вазирлар Маҳкамасининг “Енгиб бўлмайдиган кучлар (форс-мажор) ҳолатларини тасдиқлаш механизмини амалга киритиш тўғрисида” 2005 йил 15 февралдаги 63-сон қарорига биноан белгиланади.

5.2. Буюртмачининг берган буюртмасига биноан Ижрочи томонидан хизматлар кўрсатилаётган вақтда, яъни телемахсулот тайёрлаш жараёнида об-ҳаво шароити, табиий офатлар, давлат аҳамиятига молик тадбирлар, сценарийда келтирилган воқеа - ҳодиса ва фасллар ўзгариши зарурияти туғилганда, томонларнинг ўзаро келишувига кўра хизмат кўрсатиш муддатлари ва шартноманинг айрим шартларига ўзгартиришлар киритилиши мумкин.

## VI. Низоларни ҳал қилиш тартиби

6.1. Тарафлар ўртасида мазкур шартнома шартларини бажариш вақтида юзага келиши мумкин бўлган барча келишмовчилик ва низолар, Тарафларнинг ўзаро келишуви билан, агар келишувга эришилмаган тақдирда қонунчиликда белгиланган тартибда ҳал этилади.

## VII. Қўшимча шартлар

7.1. Шартнома Ўзбекистон Республикаси Молия вазирлиги Ғазначилигида рўйхатдан ўтган кундан бошлаб кучга кирилади ва Тарафларнинг жорий йил учун кўзда тутилган ўзаро мажбуриятларининг тўлақонли бажарилишига, яъни 2022 йилнинг 31 декабрига қадар амал қилади. Келгуси йилга ўтадиган мажбуриятлар, янги шартнома билан тартибга солинади.

7.2. Шартнома, бир хил юридик кучга эга бўлган икки нусхада тузилиб, ҳар икки Тарафга сақлаш учун топширилади.

7.3. Шартномага ўзгартириш ёки қўшимча киритиш фақатгина Тарафларнинг ваколатли шахслари томонидан ёзма тартибда амалга оширилади.

## VIII. Тарафларнинг юридик манзили ва банк реквизитлари

**Ижрочи:**

**“O‘zbektelefilm” ДМ**

Манзил: 100047, Тошкент шаҳри, Махтумқули кўчаси, 49-уй. Тел.: +998 71-286-30-88.  
Молия Вазирлиги Ғазначилиги  
МБ ББ ХККМ Тошкент ш.  
х/р: 2340 2000 3001 0000 1010  
МФО: 00014, ИНН: 201122919  
х/р: 400 110 860 262 777 084 200 137 003  
ИНН: 200935531, ОКОНХ: 93180  
ОКЭД: 59110

**Буюртмачи:**

**“O‘zbekiston” teleradiokanali” ДМ**

Манзил: 100011, Тошкент ш., Навоий кўчаси, 69-уй.  
Тел.: 71-214-14-17  
Ўзбекистон Республикаси Молия Вазирлиги Ғазначилиги  
х/р: 2340 2000 0001 0000 1010  
Тошкент шаҳар ХККМ  
Марказий банк бош бошқармаси  
Ғазначилик амалиёт бошқармаси  
МФО 00014 СТИР: 201 122 919  
Х/хр: 4 001 10 860 26 277 7084 200 137 002  
СТИР: 206 018 654 ОКЭД: 60200





Директор уринбосари  
бош муҳаррир Н. Эшонкулов

М.У.



Директор А. Халимов

М.У.





"КЕЛИШИЛДИ"

"O'zbekiston" teleradiokanali

давлат муассасасининг директори

А. Халимов



"ТАСДИҚЛАЙМАН"

"O'zbektelefilm" davlat

муассасасининг директор ўринбосари -бош

мухаррир

Н. Эшонкулов

"O'zbekiston" teleradiokanali давлат муассасаси буюртмасига асосан 2021-2022 йиллар мобайнида тайёрланадиган харажатлар сметаси "Малак" -2 фасл телесериалида сарфланадиган харажатлар ҳисоби

№	Харажатлар номи	Ўлчов бирлиги	Харажатлар
1	Штатдан ташқари ходимларнинг ойлик маоши	сўм	350 863 529
2	Ягона ижтимоий тўлов 25%	сўм	87 715 882
3	Фотосуратга олиш хизматлари	сўм	2 250 000
4	Либослар харид қилиш		3 453 000
5	Суратга олиш жойларини ижарага олиш	сўм	13 580 000
6	Фильмда ижарага олинган машина	сўм	19 613 958
7	Фильмда фойдаланиладиган буюмлар(реквизит)нинг ижараси ва харид қилиш	сўм	5 098 000
8	Хўжалик моллари	сўм	1 787 500
9	Канцелярия моллари	сўм	3 888 500
10	Ок қоғоз А 4 форматли (режиссёрлик сценарий нусхасини олиш учун )	сўм	140 000
	<b>Жами бўлимлар бўйича:</b>		<b>654 055 198</b>
	<b>Бошқа харажатлар ҳисобидан 10%</b>		<b>241 717 819</b>
	<b>Жами:</b>		<b>895 773 017</b>
	<b>ҚҚС 15 %</b>		<b>134 365 952</b>
	<b>Умумий харажатлар</b>		<b>1 030 138 969</b>

\*Бошқа харажатлар (телемаҳсулот харажатлар сметасидаги умумий суммасидан 10% миқдорда кўзда тутилади ва буюртмачи маблағлари ҳисобидан қопланади) телемаҳсулотни ишлаб чиқариш жараёнида кўзда тутилмаган харажатлар, шунингдек Ижрочининг асосий штатидаги ходимларни моддий рағбатлантириш харажатларини ўз ичига олади. Моддий рағбатлантириш харажатлари Ижрочининг Бадий кенгаши қарори билан тақсимланади ва корхонанинг буйруғи билан расмийлаштирилади. Телемаҳсулот учун I, II ёки III-гуруҳлар бўйича тўловлар "Буюртмачи" ва "Ижрочи" Бадий Кенгашларининг қўшма қарорига асосан белгиланади ва Ўзбекистон миллий телерадиокомпаниясининг Ижодий Кенгаши томонидан маъқуллангандан сўнг амалга оширилади.

\*Белгилаб қўйилсинки, ишлаб чиқариш зарурати билан мазкур сметага ўзгартириш ва қўшимчалар киритилиши мумкин ва мазкур ҳолда тегишли мурожаатга кўра Ўзбекистон МТРК буйруғи чиқарилади.

"O'zbektelefilm" ДМ директор ўринбосари

Н. Эргашев